


礼

上



礼

上

吳興劉氏嘉業堂鈔本

宋會要卷第二十九

大興徐松輯大典本

吳興劉承幹編定

禮十一

吉 明堂頌朔

明堂大禮

社稷

明堂頌朔

明堂大禮

社稷

宋會要卷第三十九

大興徐松輯大典本

吳興劉承幹編定

禮十一吉

明堂頒朔

明堂大禮

社稷

吳興劉氏嘉業堂鈔本

明堂頒朔

政和三年三月八日詔頒月之朔使使寒暑燥濕之

化而萬里之遠雖驛置日行五百里已不及時千里外

可前期十日先進呈取旨頒布諸州長吏封掌候月朔

宣讀

重和元年十二月二十三日詔應千里外並前二十日

頒降

崇寧二年六月二十九日起居部李彌遜奏契勘太史局天文

院既建府設官則太史局等處慮合撥隸明堂頒朔布

政府庶幾體統相承治以類舉從之

宣和二年七月二十九日詔頒政事頒朔人主之事不

可以為官稱可減罷頌政一員不置頌事二員改置司
常一員掌受頌朔布政等事頌朔四員改置司令二員
掌讀月令等事以上並隸明堂頌朔布政府

八月十四日詔明堂頌朔布政府詳定官並罷

四年二月十四日太宰王黼言今編類到明堂頌朔布
政司政和七年十月止宣和三年十月頌朔布政詔書
及建府以來條例并氣令應驗目錄一冊編類三冊歲
令四冊朔令五十一冊應驗錄四冊總六十三冊謹隨
表上進以聞

欽宗靖康元年二月十日罷明堂頌朔布政

明堂大禮

吳興劉氏嘉業堂鈔本

紹興元年二月十一日禮部尚書秦檜等言明堂之禮
尚或可舉然而事大體重更乞博採羣議審擇其中至
於參稽沿革討論典禮真有司之職也宜詔令禮部御
史臺太常寺條具明堂合事件

十六日詔令有司參酌討論聞奏

七月十二日禮部言準詔參酌皇祐詔書將來請合
祭昊天上帝皇地祇於明堂奉太祖太宗以配合用神
位四位元係御筆明金青出字雕木鏤金五綵裝蓮花
戲龍座黃紗明金罩子黃羅夾軟罩子黃羅襯褥硃紅
漆腰捍套匣黃羅夾帕事件全昨緣揚州渡江遺失乞
下所屬疾速製造從之

十六日上合十七日上致齋於內殿文武百官各致齋於所司

十八日上合祭天地於明堂奉太祖太宗酌禮畢不受賀文武百官拜表稱賀如儀

二十五日詔明堂大禮越州天慶觀差同知樞密院事富直柔温州景靈宮差本州守臣行恭謝之禮

太史局選

用九月三十日從之

二年閏四月二十七日太常少卿王居正等言九月二日季秋祀昊天上帝前二日奏告神宗皇帝配侑居正等竊維去歲明堂大禮是時禮官仰稽神宗聖訓及取司馬光呂誨王安石等說皆以謂向者明堂配以近考

吳興劉氏嘉業堂鈔本

失孝經本旨遂請以太祖太宗配而朝廷參用侍從臺諫之議行之矣其九月四日祀昊天上帝實每歲季秋大享明堂之禮今既不敢因舊配以神宗而去歲明堂緣奉詔書參酌皇祐故事有合祭並配之禮與今來每歲季秋祀上帝禮復不同乞令禮官合議取旨施行從之已而權禮部侍郎趙子畫等言謹按孝經郊祀后稷以配天宗祀文王於明堂以配上帝前漢以高祖配天後漢以先武配明堂說者謂古之帝王自非建邦啟土肇造區夏者皆無配天之祭聖宗崛起非有始封之祖創業之君太祖是矣太祖則周之后稷配祭於郊者太宗則周之文王配祭於明堂者仰惟祖功宗德萬世不

遷配帝配天禮無易此頃當三歲之親祠爰奉祖宗而
並配雖為舊典其實權宜自今每歲季秋攝事臣等伏
請專祀昊天上帝以太宗皇帝配侑詔依
四年四月六日禮部太常寺言禮部侍郎兼侍講兼權
直學士院陳與義奏竊惟明堂之禮有西漢武帝汶上
之制紹興元年實已行之若再舉而行適宜於今無戾
於古太常丞詹公薦太常博士劉登奏竊考古之巡幸
自非封禪告成未有行郊祀者如漢武帝一時巡狩不
過祀明堂而已今歲若且祀明堂實得權時之義又貼
黃稱紹興元年止設四位即不曾從皇祐詔書兼祀百
神詔將來行明堂大禮令有司條具合行禮儀聞奏今

吳興劉氏嘉業堂鈔本

具下項一昨紹興元年以明堂大禮為稱今來大禮欲
依紹興元年體例施行一神位係設昊天上帝皇地祇
配以太祖太宗皇帝共四位并天皇大帝神州地祇已
下從祀共七百六十七位總計七百七十一位並合用
神位版乞下工部指揮文思院計會大使局指說依數
製造施行一祭器共計七百七十一位合用陶器豆六
十隻并蓋內十
二隻準備簋十二隻并蓋內四
隻準備簠十二隻并蓋內
四隻準備
備尊五十隻內十隻
準備壘五十隻內十隻
準備解杓一百隻登
四百三十二隻并蓋內二
十隻準備銅器銅鼎二隻并
蓋牛鼎四隻
羊鼎四隻豕鼎四隻局畢
罩全搏黍豆一隻并
蓋竹木器籩
一千八百隻內十隻
準備豆千七百五十隻內十隻
準備簋七百

七十三隻 并蓋內一 簋七百七十三隻 并蓋內二 尊一
百四十三隻 并杓內二 毛血盤二十五隻 內三隻 幣篚
四十五隻 內六隻 匏爵并玷各十五副 內三副 盤匱一
副 盥洗共十二副 內爵洗二 爵盞并玷各七百七十五
隻 內八隻 飲福俎一面 鐵燭臺八百一十六隻 大八隻
準備 九十二隻 俎九百一十面 內三十 昨紹興元年明堂大
禮紹興府燒燬製造到殿上正配四位祭器并文思院
鑄造到牛羊豕鼎等昨紹興府沿火燒毀不存今來開
坐到祭器各件並合創造乞令太常寺圖畫樣製下兩
浙轉運司令所屬州軍均攤製造所有陶器乞下紹興
府餘姚縣燒燬並乞於大禮前十六日起發赴太常寺

吳興劉氏嘉業堂鈔本

送納內係鑄造銅器仍乞工部下文思院鑄造施行一
大樂堂上登歌樂編鐘一架 編磬一架 祝敔二 籥四 塤
二 箎二 笛四 篋笙四 和笙四 簫二 搏拊鼓二 瑟二 麾幡
一二三五七九 絃琴各二 已上樂器見太常寺七星九
曜閏餘匏各一 見闕乞下工部創造其見在樂器內有
損動顏色故暗乞令工部下所屬漆修雅飾施行一朝
服祭服等昨應奉紹興元年明堂大禮見有朝服一十
三副 祭服六十二副 貧者衫幘二十三副 供奉官衫幘
一十二副 外合令創造下項並乞下工部計料製造施行
行分獻官五十八員 奉禮郎五員 以上合創造祭服六
十三副 贊者五十九人 合創造緋羅寬衫分幘勒帛八

十八副宮架樂工合用二百九十四人樂正二人合創造絳公服二副引舞樂二十二人合創造武弁冠緋繡抹額緋繡鸞衫銅革帶履鞋二十二副引舞色長二人合創造紫繡袍幘頭紫繡抹額執杖子二副文郎武郎共一百三十二人合創造紫純冕皂繡袍革帶履鞋一百三十二副執色樂工一百三十五人合創造緋絹寬幘子勒帛一百三十五副掌器事三人合創造緋絹寬衫幘子勒帛三副一昨來明堂大禮依儀合用盥洗盤匝并皇帝位版二面係黑漆金字亞獻終獻位版二面係黑漆殊字公卿位版八十片黑漆腰牌一副黑漆蓋版黃羅二幅夾帕一條並係工部行下文思院製造所

吳興劉氏嘉業堂鈔本

有檮擎位版兵士八人係紹興府差禁軍充於大禮前一日赴太常寺教習祇應今契勘上件盤匝位版并腰牌黃帕昨經紹興府遺火焚燒所有今來明堂大禮合行創造欲並依上件數目令工部指揮文思院計會製造內兵士乞令臨安府依例差撥施行詔陶器令紹興府餘姚縣燒變餘令文思院製造餘從之同日臣僚上言伏望詔三省俾有司參酌損益務崇簡儉勿為無益徒有耗費庶幾稱陛下欽祀天地以實而不文乃為盡善上謂宰臣朱勝非曰當此多事固非制禮作樂之時然祭天之禮不可有關若禮數不備不如不祭於是詔令禮部太常寺條具

五月七日禮部太常寺言昨揚州郊祀大禮并紹興元年明堂大禮其實不曾設置所有今來明堂大禮合依上件禮例即便不須設置從之

六月十四日上曰祖宗以來每遇大禮凡所觀見去處例皆雅飾今多事之時惟事天禮當嚴恭盡誠其餘宜從簡省所有雅飾可令並罷

七月十三日禮部言將來明堂大禮行禮合用黃羅拜褥昨來係改用緋詔依例用緋

二十四日詔明堂禮畢依紹興元年權宜之制於常御殿宣赦

二十六日詔明堂大禮使差朱勝非儀禮使差孟庾

吳興劉氏嘉業堂鈔本

禮御使差趙鼎禮器使兼禮頓使差胡松年餘依紹興元年例施行

八月二十五日後殿進呈戶部侍郎兼權臨安府梁汝嘉劄子以明堂行禮殿成乞提領官以次推賞上曰朕愛惜名器以待戰士豈因土木之功遽使轉官但可等第支賜爾

九月十二日致齋行事執事官朝服百僚常服詣後殿起居請上致齋上宿齋於內殿文武百官宿齋於本司十三十四日上宿齋於內殿十五日上合祭天地於明堂以太祖太宗配嗣濮王仲諤亞獻知禮畢車駕還內不受賀文武百官拜表稱賀如儀

二十三日詔軍頭引見司今月十五日明堂大禮迴
應隨駕諸班直文武親從親事官親兵五軍將校并諸
色祇應人等失儀拽斷圍子排立交牙損壞儀注軍器
衣甲器械等並特予放罪仍免估剝陪償

七年四月二十一日禮部太常寺言準三月二十七日
詔條具將來行明堂大禮合行禮儀一依自來大禮前
一日皇帝詣太廟行朝享之禮昨紹興元年并四年大
禮緣太廟迎奉往溫州奉安其逐次大禮前一日係朝
朝廷差官詣溫州奉安所分詣行禮今來太廟已迎奉
赴行在奉安所有今來明堂大禮合依禮例皇帝前一
日詣太廟行朝享之禮一昨紹興四年明堂大禮所設

吳興劉氏嘉業堂鈔本

神位係設昊天上帝皇地祇配以太祖太宗皇帝共四
位并天皇帝大帝神州地祇已下從祀共四百四十三位
所有今來明堂大禮正配四位所設神位欲依紹興四
年禮例施行一將來明堂大禮正配四位合用竹冊四
副并前二日朝獻景靈宮合用竹冊一副欲乞並令工
部依法式修製詔依

二十七日詔將來明堂大禮前二日朝獻景靈宮設
位並於常御殿時車駕巡幸建康府太常少卿吳表臣
言紹興元年明堂大禮係於常御殿設位紹興四年係
於射殿設位行禮乞下有司相度至是太常寺相度合
常御殿比之臨安府行禮殿闊狹雖不同可以隨宜釁

二十三日詔軍頭引見司今月十五日明堂大禮迴
應隨駕諸班直文武親從親事官親兵五軍將校并諸
色祇應人等失儀拽斷圍子排立交牙損壞儀注軍器
衣甲器械等並特予放罪仍免估剝陪償

七年四月二十一日禮部太常寺言準三月二十七日
詔條具將來行明堂大禮合行禮儀一依自來大禮前
一日皇帝詣太廟行朝享之禮昨紹興元年并四年大
禮緣太廟迎奉往温州奉安其逐次大禮前一日係朝
朝廷差官詣温州奉安所分詣行禮今來太廟已迎奉
赴行在奉安所有今來明堂大禮合依禮例皇帝前一
日詣太廟行朝享之禮一昨紹興四年明堂大禮所設

吳興劉氏嘉業堂鈔本

五行副然二字間加
用竹冊一
冊一十一副

神位係設昊天上帝皇地祇配以太祖太宗皇帝共四
位并天皇大帝神州地祇已下從祀共四百四十三位
所有今來明堂大禮正配四位所設神位欲依紹興四
年禮例施行一將來明堂大禮正配四位合用竹冊四
冊前二日朝獻景靈宮合用竹冊一副欲乞並令工
部依法式修製詔依

二十七日詔將來明堂大禮前二日朝獻景靈宮設
位並於常御殿時車駕巡幸建康府太常少卿吳表臣
言紹興元年明堂大禮係於常御殿設位紹興四年係
於射殿設位行禮乞下有司相度至是太常寺相度合
常御殿比之臨安府行禮殿闊狹雖不同可以隨宜釁

那銅設祭器大樂行禮故有是命

五月二十六日詔大享明堂九月二十二日

以太史局言其

日辛巳係屬九月節用辛日也

六月十八日詔明堂大禮以射殿作齋室

二十三日臣僚言竊見紹興四年明堂大禮前一日

朝享太廟是時太廟景靈宮寓温州故委提點奉迎所差官行事今來駕幸建康見修太廟陛下遭此大故躬行三年之喪則前期朝享之禮更當考據臣愚以為將來明堂大禮前一日皇帝宜依列聖故事躬詣宗廟行朝享之禮其奏樂受胙特乞寢罷庶合禮制詔將來明堂大禮依已降旨前一日朝享太廟其奏樂受胙令禮

吳興劉氏嘉業堂鈔本

部太常寺同共討論既而禮部太常寺檢詳景德熙豐南郊故事皆在諒闇之中當時親郊行禮除郊廟景靈宮合用樂外所有鹵簿鼓吹及樓前宮架諸軍音樂皆備而不作其逐處警場止鳴金鈺鼓角而已看詳逐件故事即無去奏樂受胙之文兼祖宗故事所載大享明堂蓋亦為民祈福今討論奏樂受胙合且依祖宗累朝已行故事施行從之

七月十七日太常博士孫邦言得旨明堂大禮前二日朝享景靈宮前一日朝享太廟今明堂行禮日并朝獻景靈宮係在常御殿設位可以依儀用丑時一刻所有朝享太廟緣在行宮外修蓋兼係車駕巡幸竊慮難

以依在內時刻行禮謹按漢武帝郊泰畤平旦出宮又
晉禮樂志江左多虞不復晨賀夜漏未盡十刻開宣陽
門至平旦始門殿門晝漏上五刻皇帝乃出晉方多虞
之時雖朝會猶在平旦之後今相度欲依晉漢故事是
日行宮比常日早二刻開門以俟車駕出詣太廟行禮
從之

九月十八日上致齋於內殿是日詔趙鼎特起赴景
靈宮太廟明堂大禮陪祠立班

十九日奏請上赴齋宮二十日景靈宮行禮

二十一日上詣太廟行禮是日詔淮南西路安撫使
張浚已到行在特令趁赴明堂大禮陪祠立班

吳興劉氏嘉業堂鈔本

二十二日明堂行禮如儀以中弼亞獻士瑀終獻

三十日太常博士孫邦言恭覲九月二十二日皇帝
大享明堂致齋之日並進素膳及宿齋室傳敕左右祠
殿在近禁衛毋譁前朝獻景靈宮朝享太廟並遣內侍
宣諭讀冊官至御名必讀毋得迴避初詣太廟依儀乘
輦施繖扇至大次是夜車駕至廟南櫺星門外即命却
繖扇入櫺星門乃降輦步入大次及行裸瓚畢還版位
樂作復遣內侍傳敕協律郎樂備九奏徐其音毋得少
有減促三日祠事酌獻既畢有司奏請還御小次不聽
此皆帝王盛德之事史冊之所罕載欲望付之史館從
之

九年八月十五日詔將來行明堂大禮其祭服禮器令禮部太常寺更加討論先是進呈禮部太常寺申審郊祀明堂皆祀天來年係大禮合預申明秦檜等欲集議上曰且依近制行明堂禮可也上因宣諭往年行禮禮服禮器皆故弊不如法如尊俎壘爵形制皆不合古故有是命

十年五月十三日禮部太常寺言準御劄今年九月有事於明堂太史局選用九月十日辛亥吉從之

七月二十五日太常少卿陳桶言自今大禮依儀戶部兵部工部尚書奉俎入門舉鼎從入至西階下太官令以匕於鼎升熟禮載於俎今來明堂大禮御藥院承

吳興劉氏嘉業堂鈔本

指揮令文思院造舉鼎官祭服三十二副今欲乞從本寺申吏部依上件已製祭服并自來大禮例差明堂舉鼎官三十二員依議舉鼎至殿西陛下出熟行事禮部太常寺看詳依自來大禮儀合差舉鼎官舉鼎行事從之

八月七日詔九月十日明堂大禮應行事執事官等務在嚴肅如有懈怠不恭令閤門取旨送御史

九月五日臣僚言皇祐詔書明堂行禮禁衛之中務要嚴整常令人前後謹察辨視非預祀事者無得輒近禁衛如有違慢必行朝典又宣仗衛執儀軍士各令按識行列不得交雜往來又大禮使言準郊例非預祀事

人闌入壇壝當議處斬今慮行事臣僚引接從人敢有
輒至大次預須約束蓋為至尊親行盛禮出宮禁勒步
武升降於壇殿之間凡百侍衛之臣尤宜儆戒周謹夙
夜嚴密所以祖宗之朝持有前項處分今來明堂宗廟
大禮在近望戒飭皇城內外官司嚴行覺察不得少有
疎畧懈怠詔依令檢坐條法申嚴施行仍出榜曉諭
七日文武百僚詣常御殿奏請皇帝赴齋室
八日皇帝詣景靈宮行禮
九日車駕詣太廟行禮
十日皇帝詣行禮殿行明堂禮以同知大宗正事士
奎亞獻嚴州觀察使安時終獻

吳興劉氏嘉業堂鈔本

十九日御史中丞何鑄言仰惟陛下寅畏上天嚴恭
祀事聖德至孝感格昭然乃者宗祀明堂宸表翼翼周
旋中禮罔不祗肅至於久立版位恭俟樂成而不即小
次薦享廟室孝思追感而淚墮裊禱此皆前世人君稀
聞難行而陛下發於至誠安而行之是以神祇祖考來
享來臨昭格之跡先後劄見爰自季秋改朔以來陰雨
不已及至七日羣臣奏請皇帝致齋應時晴霽八日詣
行禮殿九日出太廟天宇晏溫風日彌爽至十日丑時
陛下自齋宮詣明堂行禮酌獻之次陰景晦冥密雲不
雨直至禮畢乘輿還宮甫入宮門雨點欲零泊儀衛百
執各歸其所然後兩作中外歡呼稱歎感異臣備數陪

祠躬親殊應願陛下承天之休愈思警戒飭躬修政仰
答上穹用迎景既庶幾整軍經武繕甲勵兵待時而動
無不如志大禮告成有茲慶事乞以臣章宣付史館從
之

三十年十月二十一日禮部太常寺言當郊之歲季秋
擇日皇帝親行大享徽宗皇帝於明堂以配上帝依儀
皇帝散齋七日於別殿致齋三日一日於文德殿一日
於太廟一日再赴文
德殿欲乞將射殿權作明堂殿設位行禮後殿權作文德
殿宿齋應合行事務依紹興十年明堂紹興二十八年
南郊大禮令有司檢照體例排辦從之

三十一年二月二十七日禮部太常寺言將來明堂大

吳興劉氏嘉業堂鈔本

禮并前二日朝獻景靈宮前一日朝享太廟鹵簿鼓吹
諸軍音樂警場并禮畢御紫宸殿羣臣稱賀次御門賜
赦宮架欲並依元豐三年熙寧元年典故備而不作詔
免稱賀餘並依以顯仁皇后服制尚
在三年之內故也

四月一日太常寺言將來明堂大禮合行禮日辰太
史局選定九月二日辛未吉從之

五月一日上謂輔臣曰昨見臨安府所進明堂大禮
排辦冊子可更令有司逐一看詳內有不必創置及可
免添修換造者即不得枉費財用

七月二十四日太常寺言奉詔明堂大禮朝享景靈
宮太廟遣大臣攝事行禮皇帝親行大享之禮其合用

冊文令學士院修撰晉寫進書訖降付禮部內景靈宮
冊文一首述以明堂大禮前二日朝太廟冊文一十一首
並述以明堂大禮前一日明堂大禮冊文二首
明堂大禮從之

八月四日太常寺言將來明堂大禮行事日皇帝自
齋殿服通天冠絳紗袍乘輿出齋殿入新置便門裏明
堂門外稍西降輿步入大次服袞冕前導官前導皇帝
出大次入自正門由宮架東升自東陛至版位從之同
日太常寺言將來明堂大禮前期朝獻景靈宮朝享太
廟遣大臣攝事主上惟親行大享之禮鑿駕既不出宮
所有車路儀仗供帳宿頓之屬更不排辦兼依乾興事

吳興劉氏嘉業堂鈔本

故樂舞以淵聖皇帝升遐備而不作從之

九月二日皇帝詣行禮殿行明堂禮以皇子甯國軍
節度使開府儀同三司建王其亞獻昭化軍節度使嗣
濮王士勗終獻

淳熙六年三月九日詔今歲明堂大禮令禮部太常寺
詳議

十七日宰執進呈禮部太常寺奏上曰明堂合祭天
地並侑祖宗從祀百神並依南郊禮例可依詳議事禮
施行

十八日詔明堂大禮除事神儀物諸軍賞給依舊制
外其乘輿服御及中外支費並從省約

九年十五年如之

四月十三日禮部太常寺言將來明堂大禮依儀皇帝散齋致齋散齋七日於別殿致齋三日一日於文德殿一日於太廟一日再赴文德殿殿上設正配位親祠行禮從祠神位差官分獻行事乞令太史局前期以神位次序具圖本申取指揮降下緋辦其御劄降祭告五嶽四瀆及朝獻景靈宮前二日朝享太廟別廟前一日應合行事務乞令有司依淳熙三年郊祀大禮例檢舉緋辦從之

十八日禮部太常寺言已降指揮今次明堂大禮並排設大輦五輅祀前一日皇帝朝享太宗畢乘玉輅入麗正門降輅乘輿用平輦歸文德殿宿齋其大輦及四輅止合後從詔除大輦免行排設餘依已降指揮

吳興劉氏嘉業堂鈔本

五月六日詔以權兩浙轉運判官韓彥質為提點一行事務仍依已降指揮務從省約更不差置屬官自後七月五日詔明堂大禮廟獻朝享亞獻差皇太子終獻差永陽郡王居廣別廟初獻差嗣濮王士輅亞獻差恩平郡王璩終獻差保康軍節度使士敏

二十三日詔明堂大禮應行事執事等官務在嚴肅有懈怠不恭者令閤門取旨送御史臺

九月十三日文武百僚詣文德殿奏請皇帝詣齋殿

十四日皇帝詣景靈宮行禮

十五日皇帝詣太廟行禮

十六日皇帝詣行禮殿行明堂禮同日明堂禮成宰

臣趙雄等奏肇種總章積雨驟霽熙事慶成神天顧歆
景既享答輿情昏悅陛下拜跪虔恭不御小次聖躬良
勞上曰敬事天地祖宗初不覺勞久雨即霽星月燦然
殊可喜

詳錄九年六月八日太常少卿余端禮等言太史局繳到明
堂神位圖數內傳說得之本寺檢照春秋正義天策傳
說星史記天官書之文莊子云傳說得之以騎箕尾傳
說相商高宗死而託神於此星故名為傳說及政和五
體新儀太史設神位版傳說在寅階內墻之內即不是
傳說此太史局循習謬誤乞改正從之

七月六日詔明堂大禮以皇太子惇充亞獻嗣濮王

吳興劉氏嘉業堂鈔本

士歆充終獻前一日享別廟初獻差少傅靜江軍節度
使充醴泉觀使恩平郡王璩亞獻差昭慶軍節度使濮
王佖檢察尊長士峴終獻差和州防禦使知大宗正事
不息

九月十三日車駕詣明堂行禮訖文武百僚赴紫宸
殿稱賀質明皇帝登門肆赦畢上帥文武百僚詣德壽
宮上壽飲福稱賀恭承太上皇帝聖旨為泥濘免到宮
自紹興元年至此並詳見後中興禮書

十五年四月二十四日太常寺言今年九月有事於
明堂檢照紹興三十一年六月十六日禮官議按禮經
喪三年不祭惟祭天地社稷為越紼而行事元祐之初

九行
十五年記

臣趙雄等奏聲種總章積雨驟霽熙事慶成神天顧歆
景既享答輿情昏悅陛下拜跪虔恭不御小次聖躬良
勞上曰敬事天地祖宗初不覺勞久雨即霽星月燦然
殊可喜

詳詳九年六月八日太常少卿余端禮等言太史局繳到明
堂神位圖數內傳說得之本寺檢照春秋正義天策傳
說星史記天官書之文莊子云傳說得之以騎箕尾傳
說相商高宗死而託神於此星故名為傳說及政和五
體新儀太史設神位版傳說在寅階內墻之內即不是
傳說此太史局循習謬誤乞改正從之

七月六日詔明堂大禮以皇太子惇充亞獻嗣濮王

吳興劉氏嘉業堂鈔本

士歆充終獻前一日享別廟初獻差少傅靜江軍節度
使充醴泉觀使恩平郡王璩亞獻差昭慶軍節度使濮
王位檢察尊長士峴終獻差和州防禦使知大宗正事
不息

九月十三日車駕詣明堂行禮訖文武百僚赴紫宸
殿稱賀質明皇帝登門肆赦畢上帥文武百僚詣德壽
宮上壽飲福稱賀恭承太上皇帝聖旨為泥濘免到宮
自紹興元年至此並
詳見後中興禮書

十五年四月二十四日太常寺言今年九月有事於
明堂檢照紹興三十一年六月十六日禮官議按禮經
喪三年不祭惟祭天地社稷為越紼而行事元祐之初

九行
十五年記頂城局

大享明堂而哲宗居神祖之喪禮官謂景靈宮太廟當用三年不祭之禮遣大臣攝事或謂聖祖為天神非廟享也當時雖從其說然黃帝實我宋之所自出豈得不同於宗廟今秋有事於明堂以孝慈淵聖皇帝升遐主上持斬衰之服考之禮經及元祐已行故事并當時禮官所議竊謂前期朝獻景靈宮朝享太廟皆當遣大臣攝事主上惟親行大享之禮其五帛牲牢禮料器服樂舞凡奉神之物依典禮外鑿駕既不出宮所有車輅儀仗供張宿頓之屬令有司更不排辦禮畢於殿庭宣赦及朝享景靈宮朝享太廟緣皇帝在高宗聖神文武憲孝皇帝諒陰之內乞依上件典故典從之

吳興劉氏嘉業堂鈔本

五月十一日權禮部侍郎尤袤等言逐次明堂大禮所設神位沿革不紹興四年七年十年設昊天上帝皇地祇太祖皇帝太宗皇帝并天皇帝已下從祀四百四十三位紹興三十一年設昊天上帝徽宗皇帝并五方地五人帝五官神從祀共一十七位淳熙六年九年設昊天上帝皇地祇太祖皇帝太宗皇帝并天皇帝已下從祀共七百七十一位今來緣高宗皇帝几筵未除考於典禮未合升配從之

二十五日穿執進呈禮官申請明堂畫一上曰配位如何周必大奏禮官昨已申請高宗几筵未除用徽宗故事未應配坐且當以太祖太宗並配他日高宗几筵

既除自當別議大抵前代儒者多因孝經嚴父之說便謂宗祀專以考配殊不知周公雖攝政而主祭則成王自周公言之故曰嚴父耳晉紀瞻答秀才策曰周制明堂宗其祖以配上帝故漢武帝汶上明堂捨文景而遠取高祖為配此其證也留正奏嚴父莫大於配天則周公其人也是嚴父專指周公而言若成王則其祖也上曰有紹興間典故在自可參照可以無疑

二十七日太常寺言明堂大禮緣在高宗聖神武文憲孝皇帝諒陰之內將來行事合服吉服今皇帝見服布素乞自受誓戒以後依典禮權易吉服至禮畢仍舊一文武百僚應行事執事應奉官并禁衛執從物等

吳興劉氏嘉業堂鈔本

自受誓戒以後并合權易吉服俟宣赦畢並依舊一九月一日八日緣係在受誓戒散齋致齋行事之內免詣德壽宮高宗皇帝几筵前燒香一昨淳熙九年明堂大禮大慶殿作明堂殿行禮後殿作文德殿致齋依儀樞密院已下詣垂拱殿起居一皇帝散齋七日於別殿致齋三日於文德殿一明堂大禮畢紫宸殿受賀欲依紹興三十一年免稱賀一本季內朝獻等並依典禮權罷一恭謝景靈宮等處依禮例分詣行事一明堂大禮合於行禮殿習儀外其朝獻景靈宮朝享太廟係遣官攝事更不習儀從之

七月四日明堂大禮以皇太子惇為亞獻嗣濮王士

敬為終獻朝享太廟以皇太子博為初獻少傅棗陽郡王伯圭為亞獻士敏為終獻

八月六日禮部太常寺言起居舍人鄭僑言大享之禮陛下身親行之歌樂之作似不可廢其他委官分獻與夫先期奏告之所有合用樂者若設而不作不亦可乎今明堂典禮與其他祀事不同若因而裁定亦足為將來之法奉旨令禮部太常寺詳議以聞檢照景德二年十一月有事於南郊時羣臣上表請舉樂詔郊廟用樂如禮事畢復寢熙甯元年依景德二年故事并除郊壇太廟景靈宮禮神用樂外有鹵簿鼓吹樓前宮架諸軍音樂皆備而不作元豐三年詔依熙甯元年南郊例

吳興劉氏嘉業堂鈔本

施行今詳議將來明堂大禮遣官朝享景靈宮朝享太廟行禮所設登歌宮架樂舞緣祖宗已行典禮欲除降神奠玉幣捧俎酌獻換舞徹豆送神依典禮作樂外所有皇帝并三獻官盥洗登降行步導樂備而不作從之先是內降御札曰朕荷神天之顧賴宗祐之靈嗣續丕圖久底多方之乂親承元祀率循三歲之常禮蓋重於合祛誼并崇於陟配念方在諒陰之疚懼莫修肆類之恭祇朝前朝具存明憲雖云宅恤無敢廢尊迺緣越紉之文爰飭燔柴之敬惟郊丘之夙講宜路寢之間祠位度九筵務齋精而展事正成萬寶資備物以將儀庶申報本之誠益茂函生之祉肆浮大號用戒先期朕以今

肅安 於皇上帝肅然
即事享於克誠以介景福
在合宮鑒觀歲禮既多祗
歸止億萬斯年以禮祭
高廟於左有光覆被萬祀
將廟於右維時降康祀冠
載萬世承燕豫孝宗親享
幣酌獻及太祖酌獻皇帝
各有所潤又以太祖真幣
太宗真幣改名英安
安酌獻改名英安

結熙五年六月二十四日詔今歲郊祀大禮改作明堂
大禮令有司除是神儀物諸軍賞給依舊制外其乘輿
服御及中外支費並從省約仍疾速從實條具聞奏

二十五日內降御札曰國家恢列聖之鴻緒秩百王
之彌文天施地生尤重合祛之報祖功宗德載嚴並侑

吳興劉氏嘉業堂鈔本

之升肆循三歲之常間舉九筵之享朕自罹咎孽方處
棘艱願思道弗言之時豈違他務惟越紳行事之誼莫
廢親祠迺易園丘之儀近從路寢之禮適農畝之屢稔
暨邊方之咸甯萬寶臻成庶備歲多之薦前奠具在一
遵寅畏之謨上以行壽於重闈下以祈安於兆姓用頒
丕號俾戒先期朕以今年九月有事於明堂咨爾攸司
各揚其職相予肆祀罔或不恭

八月九日禮部太常寺言今年九月有事於明堂朝
獻景靈宮朝享太廟緣皇帝大行至尊壽皇聖帝喪制
之內乞並依紹興三十一年六月十六日淳熙十五年
四月二十四日典故施行從之

慶元六年大行壽仁太上皇后喪制同

十三日禮部太常寺言明堂大禮緣在大行至尊壽聖帝喪制之內將來行事合服吉服今皇帝見服衰服乞自受誓戒以後依典禮權易吉服至禮畢仍舊一文武百僚應行事執事應奉官并禁衛執打從物等自受誓戒以後並合權易吉服俟宣赦畢依舊一受誓戒散齋致齋行事之內免詣大行至尊壽聖帝梓宮前燒香一昨來淳熙十五年明堂大禮大慶殿作明堂殿行禮後殿作文德殿致齋一皇帝散齋七日於別殿致齋三日於文德殿一明堂大禮畢依典禮免稱賀拜表一恭謝景靈宮等處依禮例依詣行事一明堂大禮合於

吳興劉氏嘉業堂鈔本

行禮殿習儀外其朝獻景靈宮朝享太廟係遣官攝事更不習儀從之六年大行聖安壽仁太上皇帝喪制同二十三日詔明堂大禮以大帥安德軍節度使嗣秀王伯圭為亞獻甯遠軍承宣使師沔為終獻師沔以疾改工部尚書彥逾

九月二日詔明堂大禮朝獻景靈宮以右丞相趙汝愚為初獻知樞密院事兼參知政事陳騏為亞獻參知政事余端禮為終獻朝享太廟以檢校少保興甯軍節度使師夔為初獻右監門衛大將軍眉州防禦使不儔為亞獻右監門衛大將軍蘄州防禦使不侖為終獻同日殿前司言明堂大禮依典禮鑾駕不出宮欲依淳熙

慶元六年大行壽仁太上皇后喪制同

十三日禮部太常寺言明堂大禮緣在大行至尊壽聖帝喪制之內將來行事合服吉服今皇帝見服衰服乞自受誓戒以後依典禮權易吉服至禮畢仍舊一文武百僚應行事執事應奉官并禁衛執打從物等自受誓戒以後並合權易吉服俟宣赦畢依舊一受誓戒散齋致齋行事之內免詣大行至尊壽皇聖帝梓宮前燒香一昨來淳熙十五年明堂大禮大慶殿作明堂殿行禮後殿作文德殿致齋一皇帝散齋七日於別殿致齋三日於文德殿一明堂大禮畢依典禮免稱賀拜表一恭謝景靈宮等處依禮例依詣行事一明堂大禮合於

吳興劉氏嘉業堂鈔本

行禮殿習儀外其朝獻景靈宮朝享太廟係遣官攝事更不習儀從之六年大行聖安壽仁太上皇帝喪制同二十三日詔明堂大禮以大帥安德軍節度使嗣秀王伯圭為亞獻甯遠軍承宣使師沔為終獻師沔以疾改工部尚書彥逾

九月二日詔明堂大禮朝獻景靈宮以右丞相趙汝愚為初獻知樞密院事兼參知政事陳騏為亞獻參知政事余端禮為終獻朝享太廟以檢校少保興甯軍節度使師夔為初獻右監門衛大將軍眉州防禦使不儔為亞獻右監門衛大將軍蘄州防禦使不佺為終獻同日殿前司言明堂大禮依典禮鑿駕不出宮欲依淳熙

十行
同日
一
提行
為

十五年例有臨安府諸城門一十六座欲差素隊官兵守把每座二十八計三百二十人事畢依舊從之

五日主管侍衛馬軍行司公事張師顏言明堂大禮依例差撥官兵三千人起赴排立祇應自車駕宿齋日於麗正門外一帶東西兩壁守宿乞照淳熙十五年體例排立從之

九日詔明堂大禮朝獻景靈宮宰執行事合宿齋去處令就後殿門外其合經由門戶比常早二刻開

十三日詔馬軍行司官兵連日排立依淳熙十五年明堂大禮例使臣各特支三貫文効用軍兵各支二貫文令戶部支給慶元六年亦如之

吳興劉氏嘉業堂鈔本

慶元六年六月十三日詔今歲郊祀大禮令禮部太常寺條具奏聞

八月二十五日詔明堂大禮以太師安德崇信軍節度使充萬壽觀使嗣秀王伯圭為亞獻昭慶軍節度使開府儀同三司吳興郡王柄為終獻同日詔明堂大禮朝獻景靈宮以右丞相謝深甫為初獻知樞密院事兼參知政事何澹為亞獻簽樞密院事陳自強為終獻

九月三日臣僚言伏見國家今歲多事而明堂之禮不敢少緩誠以祀天享親國之大事此天子所以示萬方之孝迓三靈之釐者也是以三歲而後一舉先事十日行禮之官受誓戒於都省重其事也俎豆之實必貴

乎潔所以薦馨俯伏拜跪必貴乎恭所以盡誠也散齋致齋各有所以欲其無敢褻也凡百奔走執事有恪欲其無敢慢也考諸禮經稽諸令甲從古迄今率由斯道近年以來禮料之物取其臨時牲牢取諸近甸果燭之屬索之都城官司既不償錢則所供安得嘉旨此不肅者一也兩序分獻八十餘員主獻十位或八位每位六拜獻官或憚煩則併數位而拜之此不肅者二也所差倉場庫務等官既不預宿齋宮亦合各宿本局今聞年來間有居家致齋此不肅者三也奔走執事多是臨期差百司吏貼樂工多是市井寄居衣服藍縷容止疎慢此不肅者四也夫元祀之重而循習之弊至此可不為

吳興劉氏嘉業堂鈔本

之革乎乞申飭有司繼自今應禮料等物官中並先給錢依價收買所供牲牲務要肥美所供果燭等務要精潔分獻之官毋得仍前怠惰拜跪須導儀式所差監當等官致齋之夕並就本局不得私家止宿所有百司吏貼須前期差定雖樂設不作而樂工亦須預行戒諭使澣濯衣服閱習儀矩務要嚴整如有違戾仰御史臺彈治如此則無小無大各盡寅恭祇服祀事庶幾上帝顧歆祖考來格降祥隕祉流慶無窮從之先是內降御札曰朕祇若大猷率循成憲接千歲之統夙殫天明地察之誠交三靈之歡適嚴祖功宗德之侑肇啟總章之宗祀嗣新泰時之親祠神其宴娛帝均嘉享爰屬當郊之

次載修詳類之恭條端慈靈之憂方輯頌臺之典念攷
明制度具存損益之宜而敬事鬼神參酌尊卑之義迺
肅九筵之薦式隆三舉之儀練良日於用辛飭季秋於
先甲急於禮而重於祭敢忘越紳之行應以實而不以
文益謹奉盛之告務專求於誠感庸罔愧於靈承欽戒
先期亶孚群聽朕以今年九月有事於明堂咨爾攸司
各揚厥職相予肆祀罔或不恭商宗慶六年大享明
堂以諒闇用紹熙禮紹
熙五年明堂孝宗未卒哭時趙汝愚朝獻景靈宮嗣秀
王伯圭朝享太廟而上獨祀明堂是年光宗之喪甫踰
月而當行大禮乃命右丞相謝深甫款天興之
祠嗣濮王不傳攝宗廟之祭蓋用紹熙禮云

開禧二年四月七日詔今歲明堂大禮令有司除事神
儀物諸軍賞給依舊制外其乘輿服御及中外支費並

吳興劉氏嘉業堂鈔本

從省約仍疾速從實條具聞奏嘉定二年八年十一
年十四年皆有是詔

七月十九日詔明堂大禮支賜除師匠宰執侍從辭

免依所乞外餘並依已降指揮減半支給更不許辭免

八月四日詔明堂大禮并前二日朝獻景靈宮前一

日朝享太廟并享別廟所差行事等官內職事稍重之

人往往推故乞改差未稱嚴恭之意令禮部太常寺日

下檢坐條法指揮申嚴應被差行事等官如敢依前避

免乞改差之人委臺諫覺察具名彈奏取旨施行先是

內降御札曰朕丕承眷命祇奉燕謀慶衍重闡賴上下

神祇之祐尊臨廣宇席祖宗功德之休深惟菲質之冀

堪益念鴻私之當報茲以陰陽順序人物遂宜國勢日

以安疆朝綱日以清肅不循三歲之祀曷表一純之衷
是用稽紹興之成規輯合宮之間禮時秋必報矧萬寶
之方成國典固存宜九筵之間舉誕宇群聽明戒先期
朕以今年九月有事於明堂咨爾攸司各揚乃職相予
肆祀罔或不恭

嘉定二年正月二十八日臣僚言臣聞古之王者父事
天母事地一歲之間冬夏日至大雩大享以及四時迎
氣之類無非躬行郊見之禮後世彌文日增乘輿出郊
儀衛之供百物之須賞賚之數無名之費不一而足雖
欲行禮如先王不可得已夫禮從宜苟不失乎先王之
意而有得於事天之實何害其為禮也恭惟藝祖在位

吳興劉氏嘉業堂鈔本

十有七年親郊者四太宗在位二十二年親郊者五真
宗以後三歲一郊遂為定制逮仁宗皇祐間始有事於
明堂蓋稽之古典斷自聖意而以義起也陛下即位以
來園丘重屋其禮迭舉及茲三歲又當親郊之期有司
文移督辦錢物固已旁午于道州縣之間以應奉為名
抑配於民不知其幾軍旅之厚旱蝗相仍公私之積旦
暮不繼民生既難國力大屈重以近日使命往來其費
逾倍空匱之狀可為寒心臣願陛下相時之宜權停郊
祀之禮仍以季秋大享明堂既無失於事天之誠而可
以省不急之費古之行禮視年之上下正此意爾昔咸
平中鹽鐵使王嗣宗奏郊祀費用繁重望行謁廟之禮

當是之時帑藏允濫天下富饒嗣宗猶以為請况今日
國計比之咸平萬萬不侔哉檢照國朝故事仁宗嘉祐
元年恭謝天地于大慶殿四年禘祭七年明堂蓋不行
郊禋者九年哲宗元祐繼舉明堂者再高宗紹興繼舉
明堂者八若陛下申講宗祀之儀則於祖宗舊章不為
無據欲望下臣此章令禮部詳議施行臣又聞真宗因
王嗣宗之請詔三司非禋祀所須並行減省是歲減應
奉雜物十萬六千計其數之可考若此則必有條目而
非漫然者矣今若舉行明堂其費較之郊丘雖已不等
然明堂祭祀儀物之外賜予浮費豈無合從節約者望
併昭有司取其凡目參酌考訂當減者減之當去者去

吳興劉氏嘉業堂鈔本

之一切條畫無為具文方國用窘乏民力殫竭之餘減
千則吾之千也若曰細微不足經意則真宗全盛之時
視十萬六千何足道哉惟陛下果斷而行之從之

九月二日臣僚言臣聞棧樸髦士奉璋莪莪思齋群
臣在廟肅肅禋祀之貴乎敬尚矣於穆昭代肅將宗祀
萬乘親祠群工顯相上帝臨於斯祖考格於斯穹壤百
神降於斯凡而奔走執役於斯地者盡其慤焉盡其信
而信焉盡其敬而敬焉猶恐其或失也詎可有一容貌
之情一舉動之慢哉故禘自既灌誠意少差夫子以為
不足觀有司臨祭或至跛倚子路以為大不敬况明堂
大享非他祀比所以駿奔乎左右鱗集乎後先者至不

可忽也竊聞往歲行禮之際冤荒歎謁誠敬盡矣而環
尹衛卒或不免有褻慢之容措紳助祭威儀肅矣而禮
生樂工或不免有怠惰之失登降方嚴而醉嘔於旁者
有之薦獻未畢而攫取其物者有之夫陽館上儀與郊
間舉天地鬼神昭布森理而小人之無忌憚者一至於
此甚非所以嚴大祀敬明神也今釐事在即繕典惟新
凡行事執事之官講習禮儀亦既詳且悉矣然下而執
役等人間有不盡其敬者尤不可不預戒而嚴飭之也
乞下御史臺閤門及太常寺申明戒飭務在嚴肅有一
不恭必置重憲庶幾祀事有嚴神明可交矣從之先是
內降御札曰朕祇奉詒謀協臨大寶荷天地施生之德

吳興劉氏嘉業堂鈔本

燕及多方守祖宗積累之基期於千載居懷兢業獲濟
艱難屬邊鄙之輯甯與黎元而休息田萊寢闕麩麥以
登方迎滋至之祥敢後一純之報遠稽元祐近質淳熙
咸即合宮載申宗祀肆率遵於舊典用丕闡於彌文寅
畏嚴恭尚庶幾於對越肅雖顯相實允賴於交修爰飭
先期亶享衆聽朕以今年九月有事於明堂咨爾攸司
各揚乃職相予肆祀毋或不恭

八年九月十五日先是內降御札曰朕續承祖烈哀對
神休惕思積累之難無疆惟卹祇畏監觀之赫不顯亦
臨保邦常謹於萬微更化已踰於八載猥蒙丕佑獲底
小康雖瞻仰昊天方切側身之念然敬事上帝敢稽報

本之儀率循舊章間秩宗祀爰卜季商之吉乃涓路寢之居惟予一人將舉親祠之典凡爾百辟各憚顯相之誠庶昭答於靈心且茂迎於和氣誕敷大號明戒先期朕以今年九月有事於明堂咨爾攸司各揚乃職相予肆祀毋或不恭

十一年九月十二日先是內降御札曰朕續緒守成既踰二紀勵精更化亦越十年若涉淵水靡遑夙夜天地神示之森列丕顯丕承祖宗功德之薰隆是彝是訓言念菲涼之質每蒙保佑之恩比者水旱不時間臻中熟邊隅多故旋底小康屬當舉於親祠敢敬伸於昭報載考累朝之典游修路寢之儀迺卜季商聿嚴熙事以靈

吳興劉氏嘉業堂鈔本

承於肸鬯以迓續於休詳祇告先期誕孚群聽朕以今年九月有事於明堂咨爾攸司各揚乃職相予肆祀毋或不恭

十四年九月十四日先是內降御札曰朕纂履鴻基恪膺駿命合祭天地肆嚴三歲之彝並侑祖宗尤重九筵之禮肇精禋於皇祐垂鉅典於後昆雖園丘路寢制名稍殊而紫壇清廟報本則一載惟涼菲端荷臨百穀屢豐庶證叶叙齊魯首陶於王化輿地來歸荆淮盡埽於胡塵隻輪弗返人心底定國勢漸尊願列聖積累之所臻豈一己圖回之能致乃卜季商之吉聿臻大亨之儀以殫昭答之誠以廣敷錫之慶用孚羣聽肅戒先期朕

以今年九月有事於明堂咨爾攸司各揚乃職相予肆
祀毋或不恭

吳興劉氏嘉業堂鈔本

社稷

仁宗天聖十年七月三日判太常寺王隨言社稷二壇
數經增補恐濶厚不如舊制請下太常禮院檢詳制度
禮院言按唐郊祀錄太社壇廣五丈高五尺五色土為
之稷壇在西如社壇之制社壇以石為之至其形如鐘
長五尺方二尺刻其上培其下半其社稷四面宮垣飾
以五色面各一層三門每門二十戟四隅皆連飾采
如廟之制其中植槐其壇三分宮之一在南無屋詔依
舊制脩築仍遣官祭告慶歷七年八月一日諸州軍祭
社物今後並以省錢支給

神宗元豐七年六月十七日尚書禮部言先農正座帝

神農氏祝文云以后稷配神作主配座后稷云作主侑神謹按春秋公羊傳曰郊則曷為必祭稷王者必以其祖配王者則曷為必以其祖配自內出者無匹不行自外至者無主不止何休曰天道闇昧故推人道以擬之然則古者作主配神之意本施於祖宗其間有雖非祖宗而祝辭可以言作主配神者如五人帝之於五帝是推人道以接天神而龍之於柱后稷之於稷是推人道以接土穀之祇其祝辭俱云作主可也若并為外祭而配座又皆人鬼則以正為主其配座但合食從祭而伏請於神農祝文云以后稷配於后稷云配食於神高禩以伏犧高平配祝文並云作主配神神無二主伏犧既

吳興劉氏嘉業堂鈔本

為主其高平祝文伏請改云配食於神並從之二十三
日禮部言社稷之祭乞下有司依禮制造兩圭有卣二
以為社稷之禮器從之

哲宗元祐七年三月十八日太常博士孫諤言祭太社
太稷壇亦設登歌樂仍除去小墻詔令侍從官及尚書
侍郎給舍臺諫禮官集議以聞翰林學士顧臨等言按
開元禮祭社稷設歌鍾磬今止於社壇設登歌誠為闕
典請如諤議從之

徽宗大觀三年十二月詔太社太稷神門齋室各以弊
漏墻垣庫下命提點後苑作所具圖以聞

九日給事中張閣等言乞增崇社稷與宗廟一體上

曰宗社禮當嚴謹當即脩崇遂從其請
四年四月二十八日議禮局言國朝祀儀每歲春秋祭
太社太稷牲用太牢臘祭用羊豕按禮記天子社稷皆
太牢諸侯社稷皆少牢其多寡之數不同亦惟其稱而
已今臘祭太社太稷與春秋二仲之祭所尊事者一神
而有太牢少牢隆殺之異甚非禮經之意伏請自今臘
祭太社太稷準春秋二仲之禮牲用太牢從之
十月提點後苑作所言重脩太社太稷神門齋室畢
功舊止有郊社令一員及刺員三二人看管全不嚴肅
未稱崇奉之意欲令太廟官兼行管幹其令行事並依
太廟已得指揮使之

吳興劉氏嘉業堂鈔本

政和二年八月二十四日太常寺言宗廟太社太稷並
係太社太稷登歌而不設舞獨為未備宜用宮架切緣
太社太稷迎神送神樂曲係兩壇齊奏今用宮架樂舞
則迎神送神諸壘洗歸復位捧俎退文迎武亞終獻望
燎樂曲並合用宮架樂設於北墉之北從之

十二年三月十八日詔令臨安府於城內擇地依禮制
建築社稷壇壝其行事官致齋所亦隨宜修葺自建炎
至紹興初臣僚奏請有司但奉行祀典不用牲牢不設
樂盛止以尊壘籩豆以實酒脯庶鷄而已至是臣僚又
請設建壇式講明舊制尋下禮部太常寺討論從所請
欲以此詔以春秋二仲臘前一日祭之其禮料比擬舊

制用羊豕各一口籩十二菱芡粟鹿脯榛實乾蓀乾棗
形魚(鹽鱸)糗餌粉登二大羹釧指鼎三釧盤一毛血簋
二菜稷簋二稻粱豆十二芹芻葵菁韭醢食魚鹽羹醢
豚拍鹿藟醢醢糝食鬼俎八羊腥七體羊熟十一羊腥
胃肺羊熟腸胃肺豕腥七體豕熟十一豕腥膚豕熟膚
尊罍二十四實以酒並同皇地祇

高宗紹興元年二月五日禮部太常寺言討論裁定每
歲春秋二仲并臘前一日祭太社太稷乞於天慶觀設
位望祭每位尊爵籩豆各一實以酒脯鹿藟權不用玉
幣依方色以獻一官一員行禮詔依詳見祀
上帝門

二年二月六日太常少卿程瑤等言已降指揮令臨安

吳興劉氏嘉業堂鈔本

府於城內踏逐祭太社太稷去處今本府踏逐到城內
天甯觀屋五間可以充望祭等行事詔權於天甯觀望
祭

八年三月十六日禮部太常寺言春秋社祭太社太稷
乞就惠照院致齋設位行禮詔依

十一月八日禮部太常寺言准勅臣僚上言王制天
子祭社稷皆太牢周禮以祭祭社稷雖在喪制猶越綿
而行事蓋其禮與天地等也艱難以來禮文曠闕有司
討論省繁就簡於祀社稷不用牲牢不設菜盛止陳尊
爵籩豆實以酒脯鹿藟雖云綿蕞亦太革創今天地宗
廟之祀因時制宜其文稍稱惟是社稷尚稽血食恐非

所以重國體况州縣之祭各以羊豕在天子之社詎可
簡乎伏望下禮部太常寺參酌舊文重行裁定詔依禮
部太常寺今參酌裁定下項一依儀用牛犢二羊豕各
四今欲乞依見今祀祭天地禮例權用羊豕各四一依
儀用籩豆各十二簠簋各二今乞依見今祀祭天地禮
例排設一依儀係差三獻吏部尚書掌誓刑部尚書
詈押樂太常卿戶部兵部工部郎中監察御史光祿卿
丞奉禮協律郎太祝太社太官令緣令樂舞未備及牲
牢止用羊豕欲除押樂太常卿協律郎捧牛俎戶部郎
中更不差官外其行事官初獻差禮部尚書侍郎太常
少卿 如闕欲差乞禮 亞獻差太常卿少禮祠部郎官 如

吳興劉氏嘉業堂鈔本

欲乞差太常 終獻差太常博士 如闕欲乞報秘書
丞博士充 差吏部尚書 如闕欲乞差侍郎 詔誓差刑部尚書 如闕
差侍郎又 捧羊豕俎差兵部工部郎中 如闕乞以 監察
闕差郎官 御史光祿卿丞奉禮郎太祝太社太官令并合排辦事
件乞從太常寺報所屬差官一依議儀禮不屋而壇緣
今未嘗修築壇壝權於望祭齋宮殿前設位行禮今既
添用牲牢祭器其齋宮殿前地步窄隘乞臨令安府委
官移齋宮內樞星門近南及擬截修葺除治詔依
十三年三月十八日禮部言臣僚劄子奏臣竊攷社稷
之祠王者所重國家南渡以來上戊之祭寓於佛祠既
非典禮未有以副陛下祀神保民之意伏望下禮官講

明舊制擇地為壇式備春秋之祀古者天子巡狩既歸則格於藝祖廟社之留京師於此可見若御軍以戰則用命賞於祖弗用命戮於社是廟社之主與之偕行師還則復仍其舊二者謂一時巡狩戰伐之際故有是禮今陛下南幸十有七年郊廟之制既備獨社稷不可以無壇宜襲東漢永平故事施行詔令禮部討論尋下太常寺勘會依禮制其社稷壇在城內今欲依臣僚所請令臨安府於城內踏逐可以修建社稷壇并行事官致齋去處隨宜修葺施行詔依

十四年六月十七日臨安府踏逐到觀橋東民戶地段修建壇壝并行事官致齋去處至十五年七月二十

吳興劉氏嘉業堂鈔本

日修建畢工

十五年七月七日禮部太常寺言勘會修建社稷壇安立石主依禮例合行祭告其香幣祝文差官選日并應辦事乞依自来禮例關報所屬施行詔依

太史局申奉安石主宜用

八月十日癸未丙時吉

高熙四年十月二十九日禮部言太社令韓稹劄子已降指揮太社令每月遍詣諸壇壝齋宮等處檢視遇有損漏去處申牒所屬修整稹躬親前詣太社太稷檢視得望祭殿宇行事官齋位神廚等屋年深損爛望祭殿低小乞下臨安府委官鼎新修整後批送部看詳尋關工部並下太常寺看詳欲依本官所言乞令臨安府鼎

新修整又令太社令依舊每月遍詣社稷壇壝等處點
檢若太社宮人吏不即檢視頽毀修整去處從太社令
申寺斷罪 詔依祭社稷儀 時日 齋戒 陳設
省牲器 奠玉幣 進熟 望瘞 時日太常寺預於
隔季以春秋社祭太社太稷關太史局 若臘饗則預於
隔季以季冬日
臘太史局以其日報太常寺太常寺參酌記具時日散
告 齋戒前祭十日受誓戒於尚書省其日五鼓贊者
設位版於都堂下吏部尚書在左刑部尚書在右並南
向初獻亞終獻位於其南稍東北向西上監察御史位
於其西稍北東向光祿卿兵部工部郎中光祿丞位於
其南稍西北向東上 光祿丞奉禮郎太祝太社太官令
位稍却

吳興劉氏嘉業堂鈔本

位於其東西向北上質明贊者引行事執事官就位立
定禮直官引吏部尚書由都堂降階就位禮直官贊揖
在位者對揖吏部尚書措笏讀誓文云某月某日社 若臘
祭即云臘祭太社太稷各揚其職不共其事國有常刑
讀訖執笏禮直官贊奉禮郎太祝太社太官令先退餘
官對拜乃退 若大禮年遣官分祭則祭官與親祠行散
事執事陪祠官同受誓戒於尚書省
齋七日治事如故宿於正寢不吊喪問疾作樂判書刑
殺文書決罰罪人及與穢惡致齋三日 光祿卿丞太
官令齋一日
日於本司 無本司者於太
社官齋舍質明至唯祭事得行其餘悉禁前
祭一日質明俱赴祠所齋宮官給酒饌祭官已齋而闕
者通攝行事 陳設前祭三日儀鸞司設饌幔於北神

門外道東西向前二日有司牽牲詣祠所前一日太社
令帥其屬掃除壇之上下太常設神位席太史設神位
版於壇上凡鋪設神位版皆太社令監視太常設祭器凡設祭器皆藉
蓋中以俟告潔既畢有司陳牲於北神門外南向祝史各
位於牲後太常設省牲位於牲南三獻官在東西向上
光祿卿兵部工部郎中光祿丞奉禮郎太祝太社令太
官令在西東向俱南上凡設光祿丞以下位皆稍却以監察御史位於
光祿卿之南東向少絕太常陳禮饌於北神門外道東
南向太常設省饌位版於禮饌之南三獻官在南北向
東上監察御史在東西向光祿卿工部郎中光祿
丞奉禮郎太祝太社太官令在西東向南上太常設登

吳興劉氏嘉業堂鈔本

歌之樂於社稷壇上稍北南向祭日丑前五刻禮直官
贊者諸司職掌各服其服太常設神位席太史設神位
版於壇上太社位南方北向社壇設此大席以藁秸后土
向龍氏位於其西東向稷壇設此席以莞太常陳玉幣
於神位之左玉以兩圭有邸盛以匣配位不幣以黑置
諸篚將奉奠以玉加幣上祝各於神位之右置於坫次
設祭器實之每位各左十有二籩為三行以右為上第
一行形鹽在前魚鱸換餅粉次之第二行榛實在前
鹿桃乾藤乾棗次之第三行菱在前芡稟鹿脯次之
右十有二豆為三行以左為上第一行芹道在前筍道
韭道在前配食魚醢兔醢次之第三行俎二一在籩前
行豚拍在前鹿麋醢醢糝食次之第三行俎二一在籩前
羊腥七體兩肩兩脅次之脊在中一在豆前
解在兩端兩肩兩脅次之脊在中一在豆前
實以豕腥七體其載

如又俎四在豆右為二重以南為上第一重一實以羊
在上端割肺三次之腸三胃三又次之一實以豕腥膚
九橫載第二重一實以羊熟腸胃肺一實以豕熟膚其
載如腥皆羊在左豕在右釧三在邊豆前實以羹槃一在
右若配位即以西為上釧三在邊豆前實以羹槃一在
釧前實以血實以盥二盥二在邊豆外盥在右盥實以稻梁
黍稷稷設者尊二一實明水一實壺尊二一實明水一
在黍前一實明水一實醴齊初獻酌之一實明水一
之一實明水一實醴齊初獻酌之一實明水一
一實盥齊儀尊二一實沈齊象尊二一實旨酒一實清酒皆有壘
一實盥齊儀尊二一實沈齊象尊二一實旨酒一實清酒皆有壘
加畧設而不酌並在壇上稍北南向東上每位各有盥
站太常設燭於神位前又設俎八於饌幔內洗二於每
壇西階之西北向盥洗在西壘在洗東加勺盥洗在東篚在洗西
北肆實以巾若爵洗之篚即執壘篚者位於其後又設

吳興劉氏嘉業堂鈔本

揖位於北神門外如省牲之位唯不設先開瘞坎二各
於子階之北壬地方深取足容物南出陞設望瘞位於
其南如省饌之位唯不設先祿卿丞位設三獻官席位於社
壇子階北墉下稍西南向西上兵部工部郎中席位於
社壇子階北墉下稍西南向東上監察御史席位於南
壇之間奉禮郎太祝太社太官令位於其後又設監察
御史位於社壇上樂簾南在東西向奉禮郎太祝太社
令位在稷壇上樂簾之南在西東向南向太官令位於
酌尊所俱南向省牲器前祭一日行事執事官集初
獻齋所肆儀太祝習讀祝文祗玉幣及神位版訖禮直
官贊者分引行事執事官詣北神門外省牲位凡初獻

直官引餘官立定禮直官贊揖次引監察御史詣社壇
皆贊者引外自西階凡行事執事官既降濯執事者舉帛曰潔次詣稷壇如上儀降復位禮直官稍前曰告潔畢請省牲
太祝出班巡牲一匝請初獻前南向躬曰充退復位光
祿丞出班巡牲一匝請初獻前南向躬曰膋退復位禮
直官贊省牲畢請就省饌法揖揖訖引行事執事官各就
位立定禮直官贊揖所司省饌具畢禮直官贊省饌畢
揖訖俱還齋所光祿丞太祝以次牽牲詣厨授太官令
次引監察御史詣厨省鑊眡祭器滌洗乃還齋所未後
一刻太官令帥宰人以鸞刀割牲祝史以槃取毛血置
於饌所遂烹牲脯後太社令帥其屬掃除壇之上下訖

吳興劉氏嘉業堂鈔本

還齋所 奠玉幣祭日丑前五刻行事春冬用丑時七刻秋用丑時一刻
太社令先入視設神位版訖退次太官令光祿丞帥其
屬實饌具畢光祿丞還齋所次引光祿卿入詣子階之
北席位南向立贊者曰再拜光祿卿再拜升壇點視禮
饌畢退次引監察御史升壇點閱陳設糾察不如儀者
凡點視及點閱皆先詣正位樂正帥登歌工人升西階各就位光祿
卿還齋所餘官各服祭服次引行事執事官各就北神
門外揖位定立禮直官贊揖次引監察御史奉禮郎太
祝太社太官令就子階北席位南向立次引三獻官兵
部工部郎中入就壇下席位南向立禮直官稍前贊有
司謹具請行事登歌作甯安之樂八成止太常瘞血贊

者曰再拜在位者皆再拜次引監察御史奉禮郎太祝
太社太官令升壇各就位立定太官令就社壇次引初
獻詣社壇盥洗位正安之樂作凡初獻升降行止至洗
位南向立搢笏盥手悅手執壇樂止又登歌樂作詣太
社神位前南向立樂止嘉安之樂作搢笏跪次引奉禮
郎搢笏東向跪執事者以玉幣授奉禮郎奉禮郎奉玉
幣授初獻執笏興先詣后土勾龍氏神位前南向立初
獻授玉幣奠訖執笏俛伏興再拜樂止次詣后土勾龍
氏神位前西向立酌獻此配奠幣如上儀奉禮郎先詣
太稷神位前東向立初獻將降壇樂作降階樂止又登
歌樂作復位樂止次詣社稷洗位又升壇奉幣並如社

吳興劉氏嘉業堂鈔本

壇之儀奉禮郎復位初獻將降壇樂作降階樂止又登
歌樂作復位樂止進熟祭日有司帥進饌者詣厨以
七升羊載於一俎肩膊膈在上端肫脰在下端正脊一
一皆二骨次升豕如羊各載於一俎正配位羊設於饌
幔內俛初獻既升奠玉幣訖入陳於西階下東向北上
次引兵部工部郎中詣社壇西階下搢笏奉俎兵部奉
奉升壇奉安豐之樂作詣太社神位前南向跪奠先薦
羊次薦豕各執笏俛伏興有司設於豆在腸胃膚之前
羊在左次諸后土勾龍氏位西向奉俎如上儀樂止俱
降復位次詣太稷壇奉俎並如社壇之儀降復位初奠
俎訖引太祝取菹孺於醢祭於豆間三又取黍稷肺祭

如初俱藉以茅退復位次引太祝詣太社神位前西向
五次引初獻再詣盥洗位登歌樂作至洗位南向立搯
笏盥手悅手執笏詣爵洗位南向立搯笏洗爵拭爵以
爵授執事者執笏升壇樂止又登歌樂作詣太社酌爵
尊所東向立樂止嘉安之樂作執事者以爵授初獻初
獻搯笏跪執爵執尊者舉畢太官令酌著尊之醴齊訖
先詣后土勾龍氏酌尊所南向立初獻以爵授執事者
執笏興詣太社神位前南向立搯笏跪執事者以爵授
初獻初獻執爵祭酒三祭於茅筭奠爵執笏俛伏興少
立樂止次引太祝搯笏跪讀祝文讀訖執笏興先詣后
土勾龍氏神位前北向立初獻再拜次詣后土勾龍氏

吳興劉氏嘉業堂鈔本

酌獻並如上儀太官令復詣稷壇正位酌尊所太祝詣
稷壇正位前立初獻將降壇樂作降階樂止又登歌樂
作復位樂止次詣爵洗位稷及升壇酌獻並如社壇之
儀太官令太祝復位初獻將降壇樂作降階樂止又登
歌樂作復位樂止次引亞獻詣盥洗位南向立搯笏盥
手悅手執笏詣爵洗位洗南向立搯笏洗爵拭爵以授執
事者執笏升壇詣太社酌尊所東向立登歌文安之樂
作執事者以爵受亞獻亞獻搯笏跪執爵爵者舉畢
太官令酌壺尊之盞齊訖先詣后土勾龍氏酌尊所南
向立亞獻以爵授執事執笏興詣太社神位前南向立
搯笏跪執事者以爵授亞獻亞獻執爵祭酒三祭於茅

奠奠爵執笏俛伏興再拜次詣后土勾龍氏神位前行
禮並如上儀樂止降復位次詣太稷壇行禮並如社壇
之儀降復位次引終獻詣洗及升壇行禮並如亞獻之
儀降復位次引太祝徹籩豆籩豆各一少娛安之樂作
卒徹樂止次引大社令東茅訖俱復位禮直官曰賜胙
贊者承傳曰賜胙再拜在位者皆再拜送神寗安之樂
作一成止望瘞初寗安之樂畢引三獻官兵部工部
郎中詣社壇望瘞位樂作至位樂止有司各詣神位取
幣祝版饌物及牲之左髀東茅置於瘞坎次引監察御
史奉禮郎太祝太社令詣望瘞位並如上儀次引初獻
以實土半坎次詣稷壇望瘞位並如上儀次引初獻以下

吳興劉氏嘉業堂鈔本

詣北神門外揖位立禮直官贊禮畢揖訖退太官令帥
其屬徹禮饌監察御史詣壇監視收徹訖還齋所光祿
卿以胙奉進監察御史就位展視光祿卿望闕再拜乃
退

光宗紹熙三年八月十九日監察御史曾三復言竊見
社稷壇墳草萊蕪沒執事者不可陞降雖專設官久失
司存不復振舉甚非所以示尊奉之誠也乞下禮院討
論制度委守官幫築壇墳填疊級道護以磚石壇下地
面悉以甃砌以便行禮仍專責太社令每月躬親巡視
從之

同日又言州縣間社稷之位士大夫不知先務而昵

於非祀及以為迂緩不切僅存故事而已乞行下應州
縣社稷壇塲並加修葺務在精嚴春秋祠祭須長官躬
親行事必即壇壝之所不許於他處就便行禮仍於壇
側搭蓋屋宇以備雨潦望祭守令到官之初謁詣廟祀
首詣社稷之所凡有水旱必先致禱使知崇本無愧有
邦從之

十年七月八日詔遇有水旱令州縣先祈社稷從臣僚
請也

